

V C  
230





*[Faint mirrored text from the reverse side of the page, including names like 'Christophorus' and 'electorali']*

I. N. J.

AD ACTUM  
PANEGYRICO  
VALEDICTORIUM

M. DC. LXXXVI.

XXII. APRILIS HABENDUM

PATRONOS, FAUTORES & AMICOS,  
QVI PIETATEM AESTIMARE  
SOLENT,


OBSEQUIOSO CULTU & REVERENTIA  
IT INVITATUM

JOH. AUGUSTINUS EGÉNOLFUS,  
CRUCIANI RECTOR.

DRES DÆ,

*Typis Viduae ac Haeredum Bergeniorum.*





Ccingere gladio tuo super femur, ô

Heros, hæc enim gloria tua, hic decor tuus, Psaltes ait regius Psal. XLV, 4. Quæ Christo de Rege, cujus regni, cum non sit de hoc mundo, finis haud erit, intelligenda esse, non tantum Doctores consentiunt plerique omnes. Luther. tom. V. Altenb. f. 500. & tom. VI, 381. Gesnerus & Geierus in h.l. Calovius, d. 25. Februar. hujus anni beatè defunctus, contra Grotium in eundem. Coccejus etiam, nobile reformatos inter Theologos nomen, Judaizanti Cal-

vino, qvi Psalmum XLV. primò & secundum literam de Salomone Pharaonis filiam uxorem ducente intelligendum esse scripserat, contradicit, & ex eruditis Rabbiorum, qvalis David Kimchi & Abraham Ben Esra de Messia exponendum demonstrat; sed & ipse Spiritus Sanctus indicem huc intendit digitum, quando versum 7. & 8. hujus Psalmi de Christo accipiendum docet Hebr. 1, 8. 9. Sensus ergò est: Accingere ô Rex Messia, qvi Heros es, כְּבִיר Princeps potentissimus, Esa. IX, 6. super femur, (dextro lateri gladium prisco ritu apud Romanos & Gallos alligatum fuisse ex Polybio docet Lipsius de milit. Roman. III. dialog. 3.) ut fortissimos hostium, Diabolum, Mortem & Infernum devincas; neque inanis erit ista gladii gestatio, qvalis quando puerum illi videmus alligatum, sed pariet tibi gloriam & decorem.

Quamvis ergo verba nostra, ut & integrum Psalmum XLV. de Christo agere planè dubium non sit, haud tamen peccabimus, sano si sensu eadem ad Electores Saxoniae referamus, quorum in insignibus non tantum duo inter eminentia reliqua conspicui sunt gladii dignitatis imperialis, qvallem Majorum plurimi, quorum gloriosa in benedictione memoria, Cæsariibus suis, quibus post Deum semper fideles fluxam nunquam gesserunt fidem, & quidem non nisi ab illic proximi, dominante manu, aureæ vi Bullæ, prætulere; verum etiam illorum quidam impetuosis irruentis utriusq; Antichristi gregis impetus non modo sustinuerunt & represserunt, sed & oppresserunt fortissimè, ut nebularum instar, quæ dissipatæ & discussæ evanescent oriente Sole, viso Electoralis gladii fulgure, quæ via data, turbatam effundere cogerentur multitudinem & lupi & leones.

Quemadmodum ergo omni Magistratui datus est à DEO gladius, quem, ut delinquentibus pro delictorum qualitate pœnas irrogare, obediētes autem fovere & præmiis afficere possit, gestat DEI minister; ita imprimis Electores Saxoniae creditus ille est divinitus, & vel ab Ottone III. quod putatur vulgò, vel etiam IV. in perpetuam oblatus est continuationem, velut Ius necis vitæque civium, ut Tacitus de pugione Cæsareo loquitur Histor. III. 68. ut non tantum vindex sit justitiæ, quæ fulcrum est & columna totius terrarum orbis; sed & hostes Christiani nominis & sacri Romani Imperii, tristem avertat in fugam, & timidis illorum tergis inhæreat fixè. Vid. P. Albin. Chron. Misn. T. 16. p. 435. Hinc animosus ille MAURITIUS, hinc magnanimus JOHANNES GEORGIUS I. cum in ista incidissent tempora, quæ gladium vagina vacuum, & bellicam fortitudinem exposcebant maximè, pro vera in Christum fide & libertate Imperii rebus gladio suo gestis brevi se illustraverunt, adeò ut invictos tam fortium bellatorum animos obstupescerent hostes, & Ecclesiæ per Germaniam sparsæ halcyonia, Reipubl. verò optata pax & tranqvillitas, quæ nihil salubrius, nihil beatius in terris cogitari potest, parta jam & defensâ præstarentur æterna. Bellicos quorum ausus ad Viennam imitatus est, rerum qui jam potitur, Serenissimus JOHANNES GEORGIUS TERTIUS, incomparabilis Pater Patriæ, Dominus noster clementissimus, de quo alio actum à nobis tempore.

tempore. Non enim, ut Cn. Pompejus hostiles videns catervas corde gelato stetit attonitus, Lucan. Pharsal. VII, 338. nec ut Pythagoras, Laconum præfectus, qui pavorem injectum visis Romanis dissimulare non poterat, Liv. XXXII. 25. nec ut alius quidam lepus galeatus turpi fuga suæ confu- luit salutis, sed venit, vidit, vicit. Ipsum ergo in Academia Kiloniensi Joh. Dan. Major Orat. grat. d. 2. Septembr. 1684. habita *Ducem fortem & gene- rosum*, imo *Achillem nostri temporis* salutare non dubitat, Decur. II. Curios. Medic. anno 3. p. 444. & simul addit: In cujus validissimè proruentis, & primi sua signa in hostium castra defigentis paludamentum quot nascente die deplue- bant occisorum suâ manu Centaurorum sanguines, tot præconiorum adoras immortalis gloria capiti ipsius necit. Cujus & in laudibus totus est Kirch- majerus, Phosphorus celeberrimus, Gratulatorio Panegyrico anno 1683. Dominica XVIII. post Trinit. solenniter habito, inter alia, *Actis* inquit, in fugam & multatis malè Thracibus ELECTOR Serenissimus SAXONIÆ, evaginato ense, cum imperio supremo inter suos volitans, sinistra Ductor ala, ordines, non rediturus ante, quam vidisset superatum hostem, rediit incolumis ad nos divina ope Dominus & Nutritor clementissimus. Quod Romani Ora- toris, Antonii de Amadoris, fuerit de Serenissimo nostro judicium, ex ver- bis Orationis ejus constat, quâ Saxones fortissimos haud indignos dicit illius im- perio Principis, à quo gloriosissimè ducebantur.

Nos, quorum humilis pietas parum valet admodum, D E O Clemen- tissimo hac de causa & publicè in Ecclesia, & privatim cum nostris egimus gratias, submissè rogitantes, ut posthæc gladiis Electoralibus benedicere, & contra hostes Veritatis & Verbi sui, quod æternum fore non tam spera- mus, quam illius vi confidimus, acuere, Unctumque suum defendere velit accuratissimè. Sic fulgebunt illi plus ultra, maximè cum in cœli templis hodiè repositi, illisque fortissimi Ducis sui nomen sit inscriptum.

Quemadmodum enim Galilæus Galilæi quatuor Jovis satellites *Side- ra Medicæ*, Jo. Tardæ eosdem *Sidera Durbanica*, & Car. Malapertius *Au- striaca* in honorem suorum dixerunt Principum, Observ. Jo. Andr. Bosio disp. de Meteor. Heliac. Lipsi 1654. pro loco habita cap. III. parag. 5. Ita ad exemplum celeberrimi Hevelii, qui & ipse Scutum Sobiescianum Regis Po- loniæ inter sidera demonstravit, solertissimus Lipsiæ Astronomus, Godo- fredus Kirchius, depictos ostendit gladios Electorales, quorum stellæ, cum Herois nostri nomen commodè referant, non interituram unquam tanti Princi- pis gloriam non vano omine pollicentur. Acta Erudit. Lipsiens. anno 1684. p. 396. Quæ nobis anno præterito, cum Candidato cuidam Magisterii carmen mense Januario mittendum esset, materiam scribendi pepererunt in hunc modum:

*Dic quibus in templis inscriptæ, Buickie, stellæ  
Nostri Electoris nomina bina sient?  
Ecce duo gladii vigilis sub crure Bootæ  
Eos hostes Hesperiosq; petunt.  
Virus serpens contra revolvibile volvit  
Corpus. Quid? certam fert Ophiuchus opem.  
Hac mihi si lituo monstraveris ordine, verè  
Vel nostra egregius laude Magister eris. &c.*

Suntum verò est illud gladiatorum symbolum à Thuringiæ Landgraviis & Misniæ Marchionibus cum ipsa dignitate, quam in Serenissima hac gente pri- mum Sigismundi Imperatoris gratia anno 1423. die Epiphaniæ Posonii Fri- derico Bellicoso, Heroi inter paucos contulit, à quo in posteritatem hucusque propagata est. Spener. Insignib. Saxon. sect. 1. fine. Quoad annum consen- tit Fabricius & ex illo Bucholcerus; sed 1426. vult Calvisius, & qui hunc se- quitur Sigismund, à Bircken in Chronic. Saxon.

Ita

Ita singulari gladius Electoralis ornamento divinitus duodecim concessus fuit Electoribus è Serenissima, quam diximus, gente, quorum sex priores in theatro exhibuimus anno præterito, sex verò reliquos alio nos tempore exhibituros è monumentis quasi revocatos sumus polliciti. Quia ergò vitam & vires clementissimè concessit nobis Omnipotens, ut promissis stemus, par est, si non, ut volumus, tamen ut possumus, cum supra posse nemo soleat obligari.

Quod itaque DEUS ipse faustum esse velit, futuro XXII. Aprilis, horis pomeridianis theatri in exercitio sequenti prodibunt ordine

*Prologus*, Georgius Christophorus Andreae, Blanckenstein. )

*MAURITIUS*, Joh. Gottfriedus Müller/Mülbergens. )

*AUGUSTUS*, Joh. Jacobus Donati, Dresdens. )

*CHRISTIANUS I.* Joh. Jacobus Barthel/Papendorf. )

*CHRISTIANUS II.* Gottfr. Nathanel Schmidt/Lauenstein. ) Misnici.

*JOH. GEORGIUS I.* Joh. Fridericus Bohemus, Ehrenberg. )

*JOH. GEORGIUS II.* Joh. Georgius Scharff/Reichstad. )

*Epilogo* Evcharisticam addet Oratiunculam Christianus Kloss/Stollbergens. )

Quos omnes, octo numero, cum Patronis & Præceptoribus valedicturi, & à subselliis scholasticis, nemine contradicente, ascensuri sint ad Academica, merito suo dimittimus, illisque divinam in studiis benedictionem & felices inde rerum successus toto precamur corde.

Quia verò & alii, antequam removeatur Theatrum, sunt prodituri, placuit, habita temporis ratione, Triumphum Christi è Cornelio Schonæo, ad exercendam memoriam & pronunciationem, ut & excitandos in animis Spectatorum pios affectus, iisdem ediscendum proponere, quo ipso si plausum obtinuerint, immensum Virtutem laudatam calcar habituram nullum planè est dubium.

*Prologum* ergo recitabit Joh. Andreas Ziegius, Dresdens.

*Perisocham* Martinus Dohle/Martinid. Bohemus.

*Thrasonis* partes suscipiet Christophorus Kammewurff/Rudstett. Thur.

*Sangæ*, Gottfriedus Hauptmann/Dresdens.

*Donacis*, Johannes Weise/Wilstruv.

*Simalionis*, Jacobus Grauschus/Lommacens.

*Magdalene* Personam induet Joh. Fridericus Schwald/Dresd.

*Mariae*, Georgius Christianus Schumann/Belgerens.

*Salomes*, Johann David Ruyffer/Palæo-Dresd.

*Angelus* erit Johann Christianus Herold/Liebstadiens.

*Jesus*, Salomo Hann/Glauchens.

*Caiphas*, Johann Elisæus Nathusius, Sonnewald Lusat.

*Annas*, Joh. Ephraim Zapffe/Wesensteinens.

*Petrus*, Benjamin Löbelius, Milcaviens.

*Johannes*, Johann Christophorus Graunius, Strignicens.

*Thomas*, Benedictus Benjamin Mirus, Wiedricens.

*Cleophas*, Gottfriedus Creidelius, Reichstadiens.

*Lucas*, David Gœsgenius, Mega-Thymilicensis.

*Plausum tandem petet* Johann Andreas Ziegius, Dresd.

Habebuntur hæc in Nobilissimi & Amplissimi Senatûs nostri Refectorio, ita quidem, ut singuli Electores singulis actibus præmittantur, præter Johannem Georgium II. quem Epilogus excipiet. Venite Patroni, Fautores & Amici, venite, inquam, & iudicate, quos, quales, quantos profectus nostri faciant Discipuli, & patrocini atq; benevolentia vestra animos erigite Docentium æquè ac Discipulorum. Ita propitius vobis Deus per vota nostra nunquam desinet benefacere. Valete cum Vestris omnibus & singulis divinæ sub alis clementiæ, & tandem aliquando Christo triumfanti encomiû canentes æternos cum illo agite triumphos. Dresdæ dab. XIX. Aprilis M DCLXXXVI.

concef-  
prios  
empore  
ergo vi-  
stis ste-  
e nemo  
lis, ho-  
ifnici.  
dicturi,  
lemica,  
felices  
i,placu-  
æo, ad  
animis  
fi plau-  
nullum

mur.  
ex  
f  
H  
p  
c  
i

torio,  
Johan-  
ores &  
ftri fa-  
Docen-  
nqvam  
ub alis  
s æter-  
KVI.

mc.

ULB Halle 3  
004 788 680  


1077







VAL

ICO  
ORIUM

PATRO

VI.  
DUM  
& AMICOS,  
MARE

OBSE

VERENTIA

JOH

NOLFUS,

